

BERRIO-OTXOA BAL, BERRIOTXOA EZ

BERRIO-OTXOA BAL, BERRIOTXOA EZ

Gure erritarra Santuen zerrendan ezarteko eguna laster elduko dan ezker, bere abizena zelan dan jakiñerazo nai neuke.

Liburu aundi ta lodi bate(ta)n auxe irakurri dot bere liturji-eguna ospatzen dan egunean, garilla-uztailaren 4'an: "Balentin Berriotxoa doatsua, gotzain eta martiria".

Eusko-jatorri ta oiñetxeak maite be maite dodazan ezker, ezin parkatu daiket uts ori: "Berriotxoa". Izan be, "Berriotxoa"-k *la casita de Berrio* adierazoten dau erderaz. Baiña ez dago izen orretako oiñetxerik Elorrio'n, ez iñon. *Berrio txikia* izeneko etxea bai, ba-dago, baiña oiñetxerik ez; beraz, jatorririk be ez. (*Txikia* izen orrek "la casa *accessoria* del linaje Berrio" adierazoten dau.)

Ez da, jakifia, Berriotxoa, *Berrio-Otxoa* baiño: jatorri bi abizen bat eginda, abizen bikotxa. *Berrio*, Elorrio'ko Berrio auzunako torre-etxea da, eta *Otxoa*, Bergara'ko oiñetxetik Elorrio'ko *Berrio* oiñetxe orretara ezkonduko gizonaaren abizena. Gizonezkoa, Joan de Otxoa izan zan, eta andearearen izena, Joana de Berrio. Eta aldi aretako orrelakoetan sarri egiten zanez, abizen biaz abizen bakarra egin eben: *Berrio-Otxoa*, edo bardina dana, Berrio'ko Otxoa.

Artu, ba, boligrafoa, Bizkai'ko abade-prailleok, eta zuzendu uts ori.

KERETXETA

ONEEK ALA ONEIK7

ZER aldizkari onetako 12 ta 13'garren zenbakietan zerbait idatzi eben gai onetzaz Puxana ta Kerexeta jaunak.

Ondo dakigunez, Mogel'ek *oneek*, *orreek* eta *areek* erabili ebazan, askotarakoan. Izan daiteke ori errazoi gorengoa? "Dijo Blas y punto redondo" izango litzake ori. Baiña, *demokrasi-aldi* onetan, ez dakit errazoi orrek balio andirik izan daikenik, erriak bestetara erabili ezker. Izan bere, ikusi dagigun —barrero be— Orixe jaunak egin eban *Erizkizundi Irukoitza* Bizkaia'n jaso ebana ("Euskera", 1926, yorrailla-bagilla (sic); orain, apirila-ekaina):

Estos	onek:	70erritan
Estos	oneek:	3 erritan
Estos	oneik:	28 erritan
Esos	orrek:	69 erritan
Esos	orreek:	5 erritan
Esos	oreik:	28 erritan
Aquellos	arek:	49erritan
Aquellos	areek:	2 erritan
Aquellos	areik:	28 erritan

3, 5, eta 2 errik beste guztiak baiño indar geiago izan daikee? *Fuerza Nueva-zaleak* izan ezker, bai, bearbada...

MEMAIA

BALENDIN ENBEITA

(1986'gko. aziUaren 20'n iUa.)

- 1 -

Gure aizkide, Enbeita jauna,
jun da betiko gugandik,
bere irripar gozo-eztia
ez da agiri iñondik;
seme' zintzo ta leial-argia
galdu dau ziñez Euzkadik,
Euzkera Ama be negarrez dago
bere eriotzaz mindurik.

- 2 -

Ainbat erritan ibillia zan
gazterik bertso-saioan,
jel-oiñarriak sakontzen gartsu
euzkoen biotz-gogoan;
Euzkadi eta Euzkerarekin
maite-minduta osoan,
bildurrik gabe ekion beti
bere gogozko arloan.

i

Biotz aundi ta gogo bizidun
euzkal idazle trebia,
bertsolaritzan goi-mallakoa,
maxu ta gidaria;
euzkera errez ta errikoia,
izkera gozo-bizia;
eredu legez agertzen iaku
gure Enbeita aizkidia.

— 4 —

Agur Balendin, agur lengusu,
izan zoruntsu zertian,
zuk buka dozu beko bizona
guk jarrai bear munduan;
Agur Balendin, guk danok beti
zaitugu izango goguan,
eta ekingo Euzkadi eta
Euzkera alde lan sutsuan.

GOIRIA